

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) na prijedlog Ministarstva za boračka pitanja, Vlada Zeničko-dobojskog kantona, na 110. sjednici, održanoj dana 22.06.2021. godine, d o n o s i

ZAKLJUČAK

I.

Prihvata se Informacija o realizaciji programa poticaja zapošljavanja i samozapošljavanja pripadnika branilačke populacije u 2020. godini, Ministarstva za boračka pitanja.

II.

Informacija iz tačke I. čini sastavni dio ovog zaključka.

III.

Zaključak stupa na snagu danom donošenja.

PREMIJER

Mirnes Bašić

Broj: 02-_____/21

Datum, 22.06.2021. godine

Zenica

DOSTAVLJENO:

1x Ministarstvo za boračka pitanja,

1x a/a.

**Bosna i Hercegovina
Federacija Bosne i Hercegovine
Zeničko-dobojski kanton**

MINISTARSTVO ZA BORAČKA PITANJA

INFORMACIJA

**o realizaciji programa poticaja zapošljavanja i samozapošljavanja pripadnika
branilačke populacije u 2020. godini**

Zenica, april 2021. godine

I. UVOD

Poglavljem IV Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14) određen je način osiguranja povoljnijih uvjeta zapošljavanja pripadnika branilačke populacije.

Program realizacije poticajnih mjera zapošljavanja iz 2015. godine, sufinansirao je nabavku sadnica malina, te se pokazao uspješnim, ali i ograničavajućim po pitanju poljoprivredne kulture čiji je uzgoj poticao kao i fokusiranjem na poljoprivredu. Zahtjevi koji su pristizali u Ministarstvo pokazali su opredjeljenost branilačke populacije da samostalno osigura vlastito zapošljavanje i kroz druge vidove proizvodnih i uslužnih djelatnosti.

Programi poticaja zapošljavanja i samozapošljavanja Ministarstva za boračka pitanja, razvijeni su direktno iz zahtjeva pripadnika branilačke populacije, te su prvi put pokrenuti 2016. godine kao rezultat:

- jasnog opredjeljenja Vlade Zeničko-dobojskog kantona o poticaju razvoja privrede;
- osiguranja sredstava na razdjelu Ministarstva;
- analize provedenih Programa realizacije poticajnih mjera zapošljavanja pripadnika branilačke populacije Ministarstva za boračka pitanja Zeničko-dobojskog kantona iz prethodne godine;
- analize zahtjeva iz prethodnih godina koji su pristizali u Ministarstvo, a na kojima su pripadnici branilačke populacije iznosili potrebu za poticajnim sredstvima kojima bi započeli, održali ili potakli vlastitu proizvodnju te osigurali kako svoju tako i egzistenciju svojih porodica.

Programi realizacije poticajnih mjera realizovani u 2016. godini (Program poticaja zapošljavanja pripadnika branilačke populacije Zeničko-dobojskog kantona putem zapošljavanja u pravnim licima Ministarstva za boračka pitanja broj: 02-34-8149/16 od 07.04.2016. godine; Program poticaja samozapošljavanja pripadnika branilačke populacije Zeničko-dobojskog kantona Ministarstva za boračka pitanja broj: 02-34-8150/16 od 07.04.2016. godine) pokazali su kako za iste postoji interes pripadnika branilačke populacije te je analizirajući rezultate ostvarene istim odlučeno nastaviti sa predmetnim Programima i u 2017. godini.

Programi realizacije poticajnih mjera realizirani u 2017. godini (Program poticaja zapošljavanja pripadnika branilačke populacije Zeničko-dobojskog kantona putem zapošljavanja u pravnim licima Ministarstva za boračka pitanja broj: 02-34-6685/17 od 26.04.2017. godine; Program poticaja samozapošljavanja pripadnika branilačke populacije Zeničko-dobojskog kantona Ministarstva za boračka pitanja broj: 02-34-6686/17 od 26.04.2017. godine) usvojeni su kao nastavak prethodnih procesa te doveli do zapošljavanja novih 205 pripadnika branilačke populacije. Obzirom na velika i redovna interesovanja kako pripadnika branilačke populacije, tako i udruženja koja ih predstavljaju, odlučeno je nastaviti provoditi ove Programe i u 2018. godini.

U skladu sa predhodno navedenim, Programi realizacije poticajnih mjera realizirani u 2018. godini (Program poticaja zapošljavanja pripadnika branilačke populacije Zeničko-dobojskog kantona putem zapošljavanja u pravnim licima Ministarstva za boračka pitanja broj: 02-14-4712/18 od 19.03.2018. godine; Program poticaja samozapošljavanja pripadnika branilačke populacije Zeničko-dobojskog kantona Ministarstva za boračka pitanja broj: 02-14-4713/18 od 19.03.2018. godine) pokazali su jasna opredjeljenja kako Vlade tako i

pripadnika branilačke populacije kada je riječ o osiguranju egzistencije pripadnika branilačke populacije vlastitim radom, obzirom da je kroz dva prehodno navedena programa zaposleno 255 branilaca.

Kao i predhodnih godina i tokom 2019. godine Programi poticaja zapošljavanja i samozapošljavanja (Program poticaja zapošljavanja pripadnika branilačke populacije Zeničko-dobojskog kantona broj: 13/03-3-3-34-7726/19 od 13.05.2019. godine i Programa poticaja samozapošljavanja pripadnika branilačke populacije Zeničko-dobojskog kantona broj: 13-03-3-3-34-7725/19 od 13.05.2019. godine) pokazali su jasnu namjeru Ministarstva kada je riječ o osiguranju egzistencije branilaca obzirom da je 273 branioca pomognuto na različite načine kroz ova dva programa.

II. ZAKONSKA REGULATIVA

- Zakon o pravima branilaca i članova njihovih porodica ("Službene novine Federacije Bosne i Hercegovine" broj: 33/04, 72/07 i 9/10);
- Zakon o dopunskim pravima branilaca i članova porodica ("Službene novine Zeničko-dobojskog kantona" broj: 1/14);
- Program poticaja zapošljavanja pripadnika branilačke populacije Zeničko-dobojskog kantona putem zapošljavanja u pravnim licima Ministarstva za boračka pitanja broj: 02-11-2418/20 od 14.02.2020. godine;
- Program poticaja samozapošljavanja pripadnika branilačke populacije Zeničko-dobojskog kantona Ministarstva za boračka pitanja broj: 02-11-2419/20 od 14.02.2020. godine.

III. PROGRAMI POTICAJA

Usvajanjem Budžeta Zeničko-dobojskog kantona za 2020. godinu ("Službene novine Zeničko-dobojskog kantona" broj 24/19) određena su sredstva raspoloživa za ovu namjenu, ista su stavljena na raspolaganje na razdjelu 24 – Ministarstvo za boračka pitanja, 6142000AD222 - transfer za poticaj zapošljavanja branilaca i članova njihovih porodica. Zakonom o izvršenju Budžeta Zeničko-dobojskog kantona za 2020. godinu ("Službene novine Zeničko-dobojskog kantona" broj 24/19) u članu 38. naloženo je donošenje Programa utroška sredstava Ministarstva za boračka pitanja od strane Vlade Zeničko-dobojskog kantona.

Program utroška sredstava iz Budžeta Kantona za 2020. godinu planiranih na razdjelu Ministarstva za boračka pitanja usvojen Zaključkom Vlade broj 02-11-1280/20 od 23.01.2020. godine u članu 3. tačka o) naložio je izradu Programa poticaja zapošljavanja i poticaja samozapošljavanja pripadnika branilačke populacije sa sljedećim iznosima:

- Program poticaja zapošljavanja pripadnika branilačke populacije Zeničko-dobojskog kantona putem zapošljavanja u pravnim licima u iznosu od 400.000,00KM;
- Program poticaja samozapošljavanja pripadnika branilačke populacije Zeničko-dobojskog kantona Ministarstva za boračka pitanja u iznosu od 870.000,00KM.

Ministarstvo je zadržalo pravo izmjene raspodjele sredstava po Programima u slučaju povećanog broja zahtjeva po jednom Programu, praćeno manjim brojem zahtjeva po drugim Programima.

Na sjednici od 14.02.2020. godine Vlada Zeničko-dobojskog kantona usvojila je navedene Programe poticaja čime je stvoren pravni osnov za provođenje istih.

Programi su imali za cilj smanjenje nezaposlenosti branilačke populacije s posebnim osvrtom na rješavanje pitanja egzistencije pripadnika branilačke populacije i članova njihovih porodica, te poboljšanje ukupne socio–ekonomske slike lokalnih zajednica i Zeničko-dobojskog kantona u cjelini.

Za saradnike u provedbi Programa određene su službe branilačko-invalidske zaštite općina kantona, privredni subjekti i Zavod za zapošljavanje Zeničko-dobojskog kantona.

Ciljna grupa su pripadnici branilačke populacije iz člana 3. i 4. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14). Zahtjeve za poticajna sredstva mogli su podnijeti:

- Dobitnici ratnih priznanja i odlikovanja
- Ratni vojni invalidi
- Demobilizirani branioci, koji su u Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine osim lica koja su u OS pristupili kao maloljetni ili neposredno po punoljetstvu, a sa minimalno 12 mjeseci provedenih u OS RBiH
- Djeca poginulih branilaca do 35 godina života, djeca umrlih RVI i djeca umrlih nosilaca najvećih ratnih priznanja, do navršene 30 godina života
- Udovice poginulih branilaca, korisnice porodične invalidnine
- Udovice ratnih vojnih invalida koji su Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine i koja je sa istim živjela u braku najmanje dvije posljednje godine dana prije smrti
- Djeca umrlih demobiliziranih branilaca koji su Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine koja su sa istim živjela u zajedničkom domaćinstvu ili ga je isti izdržavao najmanje posljednju godinu dana prije smrti, do navršenih 30 godina života
- Udovice umrlih demobiliziranih branilaca koji su Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine i koja je sa istim živjela u braku najmanje dvije posljednje godine dana prije smrti
- U posebnim slučajevima ministar Ministarstva može uključiti u ovaj Program i demobiliziranog branioca, koji je u Oružanim snagama RBiH proveo manje od 24 mjeseca, ali ne manje od 18 mjeseci u periodu od 06.04.1992. do 23.12.1995. godine.

Programi zapošljavanja težili su potaći pripadnike branilačke populacije na samostalno i proaktivno djelovanje. Program poticaja zapošljavanja koncipiran je na način kojim su aplikanti samostalno birali poduzeće kojem će se ponuditi kao poslodavac, samostalno prikupljali potrebnu dokumentaciju, te od potencijalnog poslodavca dostavljali potvrde o urednom izmirenju doprinosa i poreza.

Program poticaja samozapošljavanja nudio je dvije varijante:

- za osobe koje su već pokrenule neku vrstu samostalne djelatnosti;
- te za osobe koje su već korisnici ovih Programa Ministarstva u prethodnim godinama, a koji su zaposlili jednog ili više radnika;

Program nije ograničio djelatnost kojim će se korisnici baviti.

Program poticaja zapošljavanja pripadnika branilačke populacije Zeničko-dobojskog kantona putem zapošljavanja u pravnim licima Ministarstva za boračka pitanja

Realizovan je odobravanjem novčanih sredstava pravnim licima i poslovnica pravnih lica registrovanih na području Zeničko-dobojskog kantona, a po podnešenim zahtjevima pripadnika branilačke populacije.

Visina sredstava na ime zapošljavanja osoba iz ciljne grupe po jednom novozaposlenom radniku je 7.200,00 KM (za: NK, KV, SSS, VŠS) odnosno 8.400,00 KM (VSS i više), dok je trajanje ugovora o zapošljavanju određeno na minimalno 24 mjeseca.

Kriteriji za aplikante su:

- pripadnost branilačkoj populaciji,
- da se nalaze na evidenciji nezaposlenih osoba kod službe za zapošljavanje ZDK;
- da zahtjev za sufinansiranje zaposlenja ne podnose radi zasnivanja radnog odnosa u prethodnoj firmi zaposlenja; izuzev ako je radni odnos u predmetnoj firmi prestao protekom više od 12 mjeseci;
- prebivalište na teritoriji ZDK u trajanju od najmanje 24 mjeseca prije podnošenja zahtjeva, (za lica koja su mijenjala prebivalište najmanje 12 mjeseci prije podnošenja zahtjeva, ukoliko su imali prebivalište na području kantona u trajanju od 24 mjeseca prije promjene mjesta prebivališta), osim povratnika u RS;
- nepostojanje poreskih obveza.

Potencijalni poslodavac trebao je dokazati ispunjenost obaveza u vezi sa plaćanjem penzionog, invalidskog i zdravstvenog osiguranja; direktnih i indirektnih poreza, a u skladu sa važećim propisima.

Program poticaja samozapošljavanja pripadnika branilačke populacije Zeničko-dobojskog kantona Ministarstva za boračka pitanja

Realizovan je kroz:

- Program „Prvi biznis“ - 8.000,00 KM, u slučaju kada je podnosilac zahtjeva, registrirao planiranu djelatnost ne ranije od 01.01.2019. godine, a najkasnije sa danom okončanja javnog poziva po ovog Programu.

Korisnik sredstava poticaja Programa „Prvi biznis“, dužan je zadržati registraciju, te uplatiti sve poreske obaveze u periodu ne manjem od 24 mjeseca od dana potpisivanja ugovora o dodjeli sredstava.

- Program „Biznis plus“ gdje su odobravana sredstva u iznosu do 5.000,00KM, korisniku Programa poticaja samozapošljavanja ovoga Ministarstva iz prethodnih godina, koji je od 08.06.2019. godine do okončanja Javnog poziva zaposlio jednog ili više radnika, koji su bili na evidenciji nadležne službe za zapošljavanje, te da se zahtjev za sufinansiranje zaposlenja ne podnosi radi zasnivanja radnog odnosa u istom pravnom licu zaposlenja.

Kriteriji za aplikante su bili (oba Programa):

- pripadnost branilačkoj populaciji,
- prebivalište na teritoriji ZDK u trajanju od najmanje 24 mjeseca prije podnošenja zahtjeva, (za lica koja su mijenjala prebivalište najmanje 12 mjeseci prije podnošenja zahtjeva, ukoliko su imali prebivalište na području kantona u trajanju od 24 mjeseca prije promjene mjesta prebivališta), osim povratnika u RS;
- nepostojanje poreskih obveza;

Dodatni kriteriji za „Prvi biznis“:

- registracija planirane poslovne aktivnosti;
- poslovni plan.

Dodatni kriteriji za „Biznis plus“:

- dokaz o zapošljavanju
- korisnici prethodnih Programa Ministarstva;
- podaci o zaposleniku (prebivalište na području kantona u trajanju od najmanje dvije godine, osim povratnika u RS, broj zaposlenih itd).

IV. TOK PROVEDBE PROGRAMA

Javni oglas po Programima objavljen je 25.02.2020. godine na internet portalu Kantona, oglasnim pločama općina/gradova Kantona i branilačkih udruženja. Na istome je navedena potrebna dokumentacija, sa rokom prijave do 17.03.2020. godine.

Neophodno je naglasiti i da je zbog velikog interesovanja branilačke populacije, objektivne spriječenosti branilaca da na vrijeme apliciraju na navedene programe imajući u vidu pandemiju Javni oglas produžen do 31.03.2020. godine.

Općinske/gradske službe branilačko-invalidske zaštite zaprimale su zahtjeve u ostavljenom roku, te o potpunosti istih odlučivale na sastancima imenovanih komisija. Prema Instrukciji Ministarstva o provedbi Programa poticaja zapošljavanja pripadnika branilačke populacije Zeničko-dobojskog kantona broj: 13/03-3-3-11-1782-2/20 od 21.02.2020. godine i Instrukciji o provođenju Programa poticaja samozapošljavanja pripadnika branilačke populacije Zeničko-dobojskog kantona broj: 13/03-3-3-11-1783-2/20 od 21.02.2020. godine, nakon zaprimanja zahtjeva općinske/gradske službe su nepotpune zahtjeve odbacile obaviješću. Podnosioci odbačenih zahtjeva imali su pravo podnošenja zahtjeva za preispitivanjem. Lista uspješnih kandidata objavljena je na općinskim/gradskim oglasnim pločama.

Aplikanti na program zapošljavanja čiji su zahtjevi ocijenjeni urednim bili su pozvani preuzeti obrazac Ugovora o zapošljavanju između poslodavca, Ministarstva, Općine/Grada i zaposlenika. Istim je ostavljen rok od 15 dana da potpisani ugovor dostave nadležnoj općinskoj službi. Ovako kompletirani predmeti dostavljeni su u Ministarstvo na odlučivanje.

Općinske/gradske komisije imenovane za provođenje Programa poticaja samozapošljavanja imale su za obavezu izvršiti terensku provjeru podnesenih zahtjeva uz izradu zapisnika i fotografija, te ovako kompletirane predmete dostaviti u Ministarstvo na odlučivanje. Ministarstvo je zadržalo pravo tražiti dopunu dokumentacije ili nove dokaze od podnosioca zahtjeva, a u svrhu dokazivanja opravdanosti predmetnog zahtjeva.

Tabela 1. Pregled podnešenih zahtjeva prema programima i općinama/gradovima Kantona

Općina	Program zapošljavanja	Program samozapošljavanja		Ukupno
		“Prvi biznis”	“Biznis plus”	
Breza	0	1	0	1
Doboj Jug	2	0	3	5
Kakanj	1	1	0	2
Maglaj	1	9	3	13
Olovo	2	6	0	8
Tešanj	5	22	2	29
Usora	3	0	1	4
Vareš	1	0	0	1
Visoko	7	18	3	28
Zavidovići	0	7	2	9
Zenica	5	11	1	17
Žepče	0	3	1	4
Ukupno	27	78	16	121

Tabela 2. Pregled odobrenih zahtjeva prema programima i općinama/gradovima Kantona

Općina	Program zapošljavanja	Program samozapošljavanja		Ukupno
		“Prvi biznis”	“Biznis plus”	
Breza	0	1	0	1
Doboj Jug	2	0	3	5
Kakanj	1	1	0	2
Maglaj	1	8	3	12
Olovo	2	5	0	7
Tešanj	4	22	2	28
Usora	3	0	1	4
Vareš	1	0	0	1
Visoko	7	18	2	27
Zavidovići	0	7	2	9
Zenica	2	11	1	14
Žepče	0	3	1	4
Ukupno	23	76	15	114

Tabela 3. Pregled odobrenih sredstava prema programima i općinama/gradovima Kantona

Općina	Program zapošljavanja	Program samozapošljavanja		Ukupno
		"Prvi biznis"	"Biznis plus"	
Breza	0,00	8.000,00	0,00	8.000,00
Doboj Jug	14.400,00	0,00	13.000,00	27.400,00
Kakanj	7.200,00	8.000,00	0,00	15.200,00
Maglaj	7.200,00	64.000,00	11.000,00	82.200,00
Olovo	14.400,00	40.000,00	0,00	54.400,00
Tešanj	30.000,00	176.000,00	6.000,00	212.000,00
Usora	21.600,00	0,00	3.000,00	24.600,00
Vareš	7.200,00	0,00	0,00	7.200,00
Visoko	50.400,00	144.000,00	8.000,00	202.400,00
Zavidovići	0,00	56.000,00	6.000,00	62.000,00
Zenica	14.400,00	88.000,00	3.000,00	105.400,00
Žepče	0,00	24.000,00	3.000,00	27.000,00
Ukupno	166.800,00	608.000,00	53.000,00	827.800,00

Graf 1. Struktura odobrenih sredstava prema Programima




Tabela 4. Pregled odobrenih zahtjeva prema Programima, kategorijama korisnika i općinama/gradovima Kantona

Općina	Zapošljavanje				Samozapošljavanje								Ukupno
					“Prvi biznis”				“Biznis plus”				
	DB	PPB	RVI	DUDB	DB	PPB	RVI	DUDB	DB	PPB	RVI	DUDB	
Breza	-	-	-	-	1	-	-	-	-	-	-	-	1
Doboj Jug	2	-	-	-	-	-	-	-	2	1	-	-	5
Kakanj	1	-	-	-	1	-	-	-	-	-	-	-	2
Maglaj	-	1	-	-	7	1	-	-	3	-	-	-	12
Olovo	2	-	-	-	5	-	-	-	-	-	-	-	7
Tešanj	2	1	-	1	21	1	-	-	2	-	-	-	28
Usora	3	-	-	-	-	-	-	-	1	-	-	-	4
Vareš	1	-	-	-	-	-	-	-	-	-	-	-	1
Visoko	7	-	-	-	17	-	-	1	2	-	-	-	27
Zavidovići	-	-	-	-	5	1	1	-	2	-	-	-	9
Zenica	2				9	2	-	-	1	-	-	-	14
Žepče	-	-	-	-	2	-	-	1	-	-	1	-	4
Ukupno	20	2	-	1	68	5	1	2	13	1	1	-	114


DB – demobilisani branioци PPB –članovi porodica poginulih RVI– ratni vojni invalidi
DUDB – djeca umrlih demobiliziranih branioца

Tabela 5. – Pregled odobrenih zahtjeva prema kategorijama korisnika

Kategorija	Program zapošljavanja	Samozapošljavanje		Ukupno
		"Prvi biznis"	"Biznis plus"	
DB	20	68	13	101
PPB	2	5	1	8
RVI	-	1	1	2
DUDB	1	2	-	3
Ukupno	23	76	15	114

DB – demobilisani branioци PPB –članovi porodica poginulih
DUDB – djeca umrlih demobiliziranih branioца RVI – ratni vojni invalidi

Graf 2. Struktura odobrenih zahtjeva prema kategorijama korisnika



V. NADZOR NAD PROVEDBOM PROGRAMA

Prema Instrukciji Ministarstva o provedbi Programa poticaja zapošljavanja pripadnika branilačke populacije Zeničko-dobojskog kantona broj: 13/03-3-3-11-1782-2/20 od 21.02.2020. godine, općinske/gradske službe branilačko-invalidske zaštite dužne su na mjesečnoj osnovi od poslodavaca zaprimati: specifikacije plata ovjerene u Poreznoj upravi Federacije BiH, platne liste za platu sufinansirane osobe, uplatnice za pojedinačne isplate plata, a u slučaju zbirne uplate plata, kopije izvoda banke iz kojih je vidljiva isplata pojedinačnih plata za sufinansiranu osobu; te nakon provjere istih poslodavcima refundirati iznos od 300,00KM (ili 350,00KM zavisno o stručnoj spremi zaposlenika) tokom cijelog ugovornog perioda od 24 mjeseca.

Ministarstvo je vršilo nadzor nad realizacijom Programa zapošljavanja putem pravljenja sredstava od strane općinskih službi.

Prema Odlukama o dodjeli sredstava u svrhu samozapošljavanja – „Prvi biznis“ članom 3. naloženo je korisnicima poticaja dostavljanje Specifikacije uz uplatu doprinosa poduzetnika (Obrazac 2002) do isteka ugovornog odnosa. Općinske službe branilačko-invalidske zaštite dužne su zaprimati navedene specifikacije, te isplatiti sredstva u tri rate nakon dostavljanja navedenih specifikacija a u slučaju nedostavljanja istih od strane korisnika o istome odmah obavijestiti Ministarstvo.

Kada je riječ o programu „Biznis plus“ a kao i za program „Prvi biznis“ Ministarstvo zadržava pravo nadzora nad provođenjem Programa, odnosno utroška sredstava iz ovog Ugovora i to: provjerom statusa sufinansirane osobe u bazi podataka Porezne uprave Federacije BiH kojom će se pratiti obaveza održavanja zapošljavanja u predviđenom roku, kontrolom izvještaja službi branilačko-invalidske zaštite općina, a prema potrebi i terenskom kontrolom provođenja ugovornih obaveza kod korisnika.

VI. ZAKLJUČNA RAZMATRANJA

Sredstva koja su u Budžetu 2020. godine odobrena na Transferu za poticaj zapošljavanja branilaca i članova njihovih porodica, ukupno su iznosila 827.800,00KM.

Kroz razmatrane programe utrošeno je:

- Program zapošljavanja 166.800,00KM ili 17,88% raspoloživih sredstava, za 23 korisnika;
- Program samozapošljavanja „Prvi biznis“ 608.000,00KM ili 65,18% raspoloživih sredstava, za 76 korisnika;
- Program samozapošljavanja „Biznis plus“ 53.000,00 KM ili 5,68% raspoloživih sredstava, za 15 korisnika;

Pored gore navedenih Programa, Ministarstvo je odobravalo sredstva sa ovog transfera i po:

- Zaključku Vlade ZDK, kojim je odobreno učešće u Programu sufinansiranja zapošljavanja djece šehida i poginulih boraca Federalnog zavoda za zapošljavanje, za što je sa predmetnog transfera izdvojeno 100.000,00KM odnosno 10,72% raspoloživih sredstava;
- Programu utroška sredstava Budžeta Zeničko-dobojskog Kantona za 2020. godinu planiranih na razdjelu Ministarstva za boračka pitanja, a za namjenu drugih mjera poticaja zapošljavanja, za što je izdvojeno 2.000,00KM ili 0,21% raspoloživih sredstava za jednog pripadnika branilačke populacije;
- Programu utroška sredstava Budžeta Zeničko-dobojskog Kantona za 2020. godinu planiranih na razdjelu Ministarstva za boračka pitanja, a za namjenu sufinansiranja stručnih i/ili završnih ispita za što je izdvojeno 2.970,00KM ili 0,32% raspoloživih sredstava za jednog pripadnika branilačke populacije.

Ukupno je sa ovog transfera, a kroz Programe Ministarstva, odobrena pomoć za zapošljavanje 116 pripadnika branilačke populacije, izuzev korisnika po osnovu Programa sufinansiranja zapošljavanja djece šehida i poginulih boraca u saradnji sa Federalnim zavodom za zapošljavanje. Ukupno je utrošeno 932.770,00KM. ili 69,09% raspoloživih sredstava, dok je neutrošeno ostalo 417.230,00KM ili 30,91% raspoloživih sredstava.

Iz navedenoga je vidljiva i uspješnost ovih Projekata te potreba nastavka i razvoja istih u narednom periodu.

Zenica, 29.04.2021. godine

Ministar:

Fahrudin Čolaković